

Informisanje korisnika u pregovaračkoj fazi
Standardni informacioni list u primjeni od 11.03.2019. godine

Podaci o davaocu usluge	Bosna Bank International dd Sarajevo Trg djece Sarajeva bb 71000 Sarajevo, Bosna i Hercegovina
-------------------------	--

Vrsta usluge	Finansiranje adaptacije; Finansiranje otkupa adaptacije
--------------	---

OPIS I NAMJENA

Finansiranje adaptacije i otkupa adaptacije namijenjeno je fizičkim licima sa redovnim mjesečnim primanjima. Cilj je omogućiti fizičkim licima da zadovolje potrebe kroz rekonstrukciju stambenog objekta i otkupa zaduženja namjenski utrošenih za adaptaciju.

IZNOS USLUGE, OZNAKA VALUTE I USLOVI KORIŠTENJA

Valuta – KM/BAM, uz primjenu valutne klauzule za sva dugoročna finansiranja preko 60 mjeseci.
Iznos finansiranja: Minimalno 500,00 KM; Maksimalno 50.000,00 KM

Učešće u finansiranju 0,20% od iznosa finansiranja, minimalno 30,00 KM. Kod finansiranja otkupa adaptacije, učešćem klijenta se smatra već otplaćeni dio obaveza u drugoj finansijskoj instituciji.

Kod finansiranja adaptacije Banka odobrena sredstva može transferisati na jedan od tri načina:

- Na osnovu ugovora o adaptaciji Banka vrši prenos sredstava na račun izvođača radova,
- Na osnovu dostavljene (pro)fakture (za materijal) Banka vrši prenos sredstava na račun po dostavljenoj (pro)fakturi min 70% od iznosa finansiranja, a preostalih 30% se isplaćuje u gotovini za plaćanje radnika,
- Na osnovu dostavljene (pro)fakture za materijal Banka vrši prenos sredstava na račun trećih lica.

Starosna granica do koje Klijent mora otplatiti finansiranje je 65 godina, odnosno 75 godina starosti ukoliko u finansiranju postoji sudužnik čija starost u momentu otplate ne prelazi 65 godina i koji može podnijeti 50% anuiteta finansiranja.

Kod finansiranja otkupa, Banka će odobrena sredstva prenijeti na drugu banku ili mikrokreditnu organizaciju i zatvoriti postojeće klijentove obaveze u skladu sa pismeno dostavljenom informacijom o ostatku klijentovog zaduženja u toj instituciji.

Ostali detaljni uslovi korištenja koji se primjenjuju u finansiranju sa fizičkim licima dati su u Općim uslovima poslovanja Banke i Općim uslovima korištenja koji se primjenjuju u finansijskom poslovanju sa fizičkim licima i pojedinačnim ugovorima o finansiranju.

TRAJANJE UGOVORA

Maksimalni rok otplate finansiranja je 10 godina (Banka će izvršiti procjenu mogućnosti odobrenja maksimalnog roka otplate za svakog pojedinog klijenta).

VISINA I PROMJENJIVOST PROFITNE MARŽE I ELEMENTI NA OSNOVU KOJIH ĆE SE ODREĐIVATI UGOVORENA PROMJENJIVA PROFITNA MARŽA, NJIHOVA VISINA U VRIJEME ZAKLJUČENJA UGOVORA, PERIODI U KOJIMA ĆE SE MIJENJATI I NAČINE IZMJENE, KAO I FIKSNI ELEMENT AKO JE UGOVOREN

Nominalna profitna marža je varijabilna i sastoji se od zbira fiksnog nepromjenjivog markupa i promjenjivog šestomjesečnog euribora. Vrijednost euribora dostupna je na: <https://www.emmi-benchmarks.eu/>

Nominalna profitna marža se mijenja svakih šest mjeseci od datuma puštanja sredstava u skladu sa promijenom vrijednosti šestomjesečnog euribora.

Visina nominalnih stopa po grupama klijenata su:

		I grupa	II A grupa	II B grupa	II C grupa	III grupa	IV grupa
Obezbjedenje	Rok otplate	Do 50.000,00 KM	Do 40.000,00 KM			Do 20.000,00 KM	Do 15.000,00 KM
Mjenice i IOZ	do 36 mjeseci	4.89%	5.39%	5.89%	6.89%	7.90%	8.95%
	do 60 mjeseci	5.89%	6.39%	6.69%	6.89%	7.90%	8.95%
	do 84 mjeseca	5.89%	6.69%	7.19%	7.49%	8.90%	9.85%
	do 120 mjeseci	5.89%	6.69%	7.19%	7.49%	8.90%	9.85%

Napomena: u slučaju da Klijent neće otvoriti tekući račun (uz aktiviranje jednog od Paketa) i usmjeriti primanja preko BBI, cijena finansiranja se uvećava za 1 procentni poen.

EFEKTIVNA PROFITNA MARŽA I UKUPAN IZNOS KOJI KORISNIK MORA DA PLATI, ODNOSNO KOJI TREBA DA MU SE ISPLATI, PRIKAZAN PREKO REPREZENTATIVNOG PRIMJERA U KOJEM SU NAZNAČENI SVI ELEMENTI KORIŠTENI U OBRAČUNU

Efektivna profitna marža zavisi od iznosa finansiranja, roka otplate, a uključuje nominalnu profitnu maržu i sve naknade/troškove koji proizilaze iz ugovora o finansiranju. Pregled mjesečnih anuiteta za pojedine iznose finansiranja i rokove otplate, za prvu grupu Klijenata, bez hipoteke.

IZNOS/PERIOD	36 mjeseci	60 mjeseci	84 mjeseci	120 mjeseci
10.000,00 KM	299,22	192,82	145,56	110,47
20.000,00 KM	598,43	385,63	291,12	220,94
40.000,00 KM	1.196,86	771,27	582,24	441,88
50.000,00 KM	1.496,08	964,08	727,79	552,34

Reprezentativni primjer: uz pretpostavku da je finansiranje adaptacije na iznos od 40.000,00 KM – plaćanje na račun trećih lica prema predračunu/ugovor, na period od 36 mjeseci, za prvu grupu klijenata, obezbjeđeno ispravama o zapljeni, dvjema mjenicama i da klijent ima otvoren BBI Prestige paket uz isplatu cjelokupnog iznosa na osnovu dostavljenog Ugovora na račun izvođača radova.

Napomena: Reprezentativni primjer je informativnog karaktera. Potencijalni klijent konkretan primjer ima pravo dobiti u prostorijama Banke od službenika, nakon podnošenja pismenog zahtjeva.

Iznos finansiranja KM	40.000,00 KM
Nominalna profitna marža	4,89%
Rok otplate	36 mj
Mjesečni anuitet	1.196,86 KM
Ukupni iznos profitne marže koju će klijent platiti za vrijeme korištenja finansiranja	3.086,96 KM
Ukupan iznos koji će klijent platiti	43.780,80 KM
Efektivna profitna marža	6,15%
Troškovi koji ulaze u EPM	
Trošak ovjere isprave o zapljeni (jednokratno, fiksno)	(2,00 KM po jednom primjerku) - 4,00 KM
Trošak mjenice (jednokratno, fikano)	(5,00 KM – jedna mjenica) – 10,00 KM
Naknada za obradu zahtjeva za finansiranje 0,5% (jednokratno, fiksno)	200,00 KM
Troškovi vođenja računa finansiranja – 3,20 KM (mjesečno, promjenjivo)	115,20 KM
Trošak vođenja BBI Prestige paketa 36 x 9,99 (mjesečno, promjenjivo)	359,64KM
Trošak izdavanje izvoda iz CRK-a za potrebe analize (jednokratno fiksno)	5,00 KM
UKUPNO	693,84 KM

IZNOS I BROJ RATA FINANSIRANJA I PERIODI U KOJIMA DOSPIJEVAJU (MJESEČNO, TROMJESEČNO I DRUGO)

Finansiranje se otplaćuje u jednakim ratama/anuitetima. Visina rate/anuiteta zavisi od visine iznosa odobrenog finansiranja, kategorije (vrste) klijenta i ugovorene visine nominalne profitne marže. Prva rata/anuitet finansiranja dospjeva na naplatu mjesec dana od dana plasmana sredstava. Rate/anuiteti dospijevaju na naplatu mjesečno.

TROŠKOVI ODRŽAVANJA JEDNOG ILI VIŠE RAČUNA NA KOJIMA ĆE SE EVIDENTIRATI TRANSAKCIJE ZAJEDNO SA TROŠKOVIMA KORIŠTENJA ODREĐENOG SREDSTVA OTPLATE, KAKO ZA TRANSAKCIJE PLAĆANJA, TAKO I ZA POVLAČENJA SREDSTAVA, TE SVE DRUGE NAKNADE I TROŠKOVE KOJI PROIZLAZE IZ UGOVORA UZ ODREĐENJE DA LI SU FIKSNI ILI PROMJENLJIVI I USLOVI POD KOJIMA SE MOGU MIJENJATI

1. Naknada za održavanje računa finansiranja iznosi 3,20 KM (mjesečno, promjenljivo).
2. Naknada za obradu zahtijeva iznos (jednokratno, fiksno):
 - 1% (min. 50,00 KM; max. 2.000,00 KM) za sve grupe klijenata uz BBI pakete (Senior, Smart)
 - 0,5% (min. 50,00 KM; max. 2.000,00 KM) za sve grupe klijenata uz BBI pakete (Prestige ili Premium)
 - 2% (min. 50,00 KM; max. 2.000,00 KM) za sve grupe klijenata bez paketa
3. Naknada za prenos sredstava na tekući račun za sve grupe klijenata iznosi 0,5% min. 20,00 KM (jednokratno, fiksno). Naknada za prenos sredstava na tekući račun klijenta plaća se prilikom prenosa iznosa finansiranja za korištenje na klijentov račun. Obračunava se na iznos sredstava koja se prenose na račun klijenta za korištenje.

INFORMACIJA O OBAVEZI KORIŠTENJA NOTARSKIH USLUGA PRILIKOM ZAKLJUČENJA UGOVORA

Moguća je obaveza korištenja usluga notara ukoliko se ovjera isprave o zaplijeni vrši kod notara.

INFORMACIJA O OBAVEZI ZAKLJUČENJA UGOVORA O SPOREDNIM USLUGAMA POVEZANIM SA OSNOVNIM UGOVOROM, NAROČITO KAD JE ZAKLJUČENJE TAKVOG UGOVORA OBAVEZNO RADI DOBIJANJA USLUGE

Prije puštanja novčanih sredstava, a u slučaju da je finansiranje obezbijeđeno hipotekom, Klijent je dužan zaključiti ugovor o osiguranju nekretnine na cijeli period otplate finansiranja unaprijed.

PROFITNA MARŽA KOJA SE PRIMJENJUJE U SLUČAJU KAŠNJENJA U IZMIRENJU OBAVEZA I PRAVILA ZA NJENO PRILAGOĐAVANJE, TE DRUGE NAKNADE KOJE SE PLAĆAJU U SLUČAJU NEISPUNJENJA OBAVEZA

Banka obračunava i naplaćuje penale za kašnjenja od 30 dana na iznos dospjelog a ne izmirenog duga od prvog dana kašnjenja. Penali iznose 2% na godišnjem nivou.

UPOZORENJE U VEZI SA POSLJEDICAMA PROPUŠTANJA IZMIRENJA OBAVEZA

Dužnik će o dospjelim, a neizmirenim obavezama prvobitno biti obaviješten telefonskim pozivom.

Poslije pomenutih obavještenja slijedi:

- Poslije 8-og dana kašnjenja telefonski kontakt sa korisnikom finansiranja/solidarnim dužnicima;
- Opomena I korisniku finansiranja/solidarnim dužnicima 20-og dana kašnjenja;
- Telefonski kontakt sa žirantima poslije 35-og dana kašnjenja;
- Opomena II korisniku finansiranja/solidarnim dužnicima 40-og dana kašnjenja;
- Pismena obavijest žirantima 50-og dana kašnjenja.

Ako dužnik ne izmiri obaveze nakon druge opomene šalje se pismena obavjest jemcu (ako je predviđen). Opomena pred tužbu dužniku se šalje u slučaju kad dužnik svoje obaveze ne izmiruje duže od 120 dana.

Ukoliko dužnik ne izmiruje svoje dospjele obaveze u roku, Banka u cilju naplate plasiranih sredstava, može koristiti instrumente obezbjeđenja na način da:

- Aktivira saglasnost isprave o zapljeni na lična primanja dužnika finansiranja i drugih lica koja su lično garantovala;
- Izmirenje obaveza;
- Izvrši naplatu putem sredstava sa računa Klijenta kod BBI;
- Podnese mjenice pravnog lica na naplatu banci izdavaocu mjenice (u slučaju kada je pravno lice jemac);
- Pokrene prinudnu naplatu putem suda (hipoteka, zalog, mjenica);
- Iskoristi ostale instrumente obezbjeđenja.

Ako ne postoji neki od gore navedenih instrumenata obezbjeđenja, Banka će iskoristiti prvi slijedeći instrument koji nakon istog dolazi. Troškovi opomena se ne naplaćuju.

INSTRUMENTI OBEZBJEĐENJA ISPUNJENJA OBAVEZA SA INFORMACIJOM O REDOSLIJEDU I NAČINU IZMIRENJA OBAVEZA IZ INSTRUMENTATA OBEZBJEĐENJA

Elementi obezbjeđenja po finansiranju utvrđuju se u pregovaračkoj fazi i zavise od iznosa finansiranja i kreditne sposobnosti dužnika. Banka prihvata slijedeća obezbjeđenja:

- Ispravu o zapljenu za korisnika finansiranja i druge učesnike koji lično garantuju za izmirenje obaveza po finansiranju;
- Vlastite mjenice sa naznakom bez protesta svih učesnika u finansiranju;
- Sudužnike/jemce;
- Hipoteku.

PRAVO KORISNIKA NA ODUSTAJANJE OD UGOVORA, USLOVI I NAČIN ODUSTAJANJA, KAO I VISINU TROŠKOVA U VEZI S TIM

Ugovorne strane su saglasne da Banka neće sredstva finansiranja staviti na raspolaganje Klijentu prije isteka roka ne kraćeg od 14 dana od dana zaključenja ugovora o finansiranju, u kojem periodu BBI priznaje Klijentu pravo jednostranog odustanka od Ugovora, izuzev u slučaju Klijentovog izričitog pismenog zahtjeva za stavljanje sredstava finansiranja na raspolaganje prije isteka naznačenog roka uz Klijentovu nedvosmislenu obavezu odricanja prava na odustanak od Ugovora.

U slučaju da Klijent u datom roku želi iskoristiti pravo odustanka od Ugovora obavezuje se dostaviti Banci pisano obavještenje o odustanku, uz obavezan dokaz o dostavljanju predmetnog obavještenja. Banka neće obračunavati naknadu u vezi s tim.

PRAVO KORISNIKA NA PRIJEVREMENU OTPLATU FINANSIRANJA I PRAVO BANKE NA NAKNADU, KAO I VISINU TE NAKNADE

FBIH

Korisnik finansiranja može vratiti finansiranje u potpunosti ili djelimično, prije roka određenog za vraćanje, pri čemu ima pravo na umanjenje ukupnih troškova finansiranja za iznos profitne marže i troškova za preostali period trajanja ugovora, ali je dužan da o namjeri prijevremene otplate finansiranja unaprijed obavjesti Banku u ugovorenom roku. Banka ima pravo na objektivno opravdanu i ugovorenu naknadu troškova koji su u direktnoj vezi sa prijevremenom otplatom finansiranja pod uslovom:

- da je prijevremena otplata izvršena u periodu tokom kojeg se primjenjivala fiksna nominalna profitna marža, i
- kod ugovora o finansiranju čiji je predmet kupovina nepokretnosti ako je ugovorena fiksna ili promjenljiva nominalna profitna marža i ako je iznos prijevremene otplate finansiranja u periodu od godine dana veći od 20.000,00 KM.

Naknada na koju Banka stekne pravo, obračunavat će se na slijedeći način:

- 1% na iznos finansiranja koji se prijevremeno otplaćuje, ako je period između prijevremene otplate i roka ispunjenja obaveze iz ugovora o finansiranju jednak ili duži od godinu dana;
- 0,50% na iznos finansiranja koji se prijevremeno otplaćuje, ako je period između prijevremene otplate i rok ispunjenja obaveza iz ugovora o finansiranju kraći od godinu dana.

Banka ne može zahtijevati naknadu za prijevremenu otplatu:

- ako je otplata bila izvršena na osnovu zaključenog ugovora o osiguranju čija je namjena osiguranje otplate finansiranja;
- ako se otplata vrši tokom perioda za koji je ugovorena promjenljiva nominalna profitna marža, osim kod finansiranja čiji je predmet kupovina nepokretnosti.

Naknada za prijevremenu otplatu finansiranja ni u jednom slučaju ne može biti veća od iznosa profitne marže koju bi korisnik platio za vrijeme od dana vraćanja finansiranja do dana kada je finansiranje po ugovoru trebalo biti vraćeno.

RS

Klijent ima pravo na prijevremenu otplatu finansiranja ali je dužan da o namjeri prijevremene otplate finansiranja unaprijed obavjesti Banku u ugovorenom roku.

Banka ima pravo na objektivno opravdanu i ugovorenu naknadu troškova koji su u direktnoj vezi sa prijevremenom otplatom finansiranja, pod uslovom da je prijevremena otplata izvršena u periodu tokom kojeg se primjenjivala fiksna profitna marža i ako je iznos prijevremene otplate veći od 10.000,00 KM u periodu od godinu dana.

Ukoliko BBI u skladu sa prethodnim stavom stekne pravo na naknadu za prijevremeni povrat ista će se obračunavati na sljedeći način i u sljedećim procentima:

- 1% na iznos finansiranja koje se prijevremeno otplaćuje po osnovu ovog Ugovora i to ukoliko je period između prijevremene uplate glavnice (nabavne cijene robe/usluge) i roka ispunjenja obaveza iz ovog Ugovora jednak ili duži od jedne godine.
- 0,50 % na iznos finansiranja koje se prijevremeno otplaćuje po osnovu ovog Ugovora i to ukoliko je period između prijevremene uplate glavnice (nabavne cijene robe/usluge) i roka ispunjenja obaveza iz ovog Ugovora kraći od jedne godine.

PRAVO KORISNIKA DA U TOKU PROCJENE NJEGOVE KREDITNE SPOSOBNOSTI BESPLATNO DOBIJE OBAVJEŠTENJE O REZULTATIMA UVIDA U BAZE PODATAKA

Klijent ima pravo da u toku procjene njegove kreditne sposobnosti dobije obavijesti o rezultatima uvida u baze podataka.

PRAVO KORISNIKA DA DOBIJE BESPLATNU KOPIJU NACRTA UGOVORA

Klijent ima pravo da na zahtjev dobije nacrt ugovora radi razmatranja istog van prostorija Banke, izuzev ako Banka u vrijeme podnošenja zahtjeva korisnika ocijeni da ne postoje uvjeti za zasnivanje odnosa s korisnikom u konkretnom pravnom poslu.

PERIOD U KOJEM BANKU OBAVEZUJU PODACI DATI U PREGOVARAČKOJ FAZI

Tri (3) dana od datuma naznačenog na standardnom informacionom listu.

USLOVI POLAGANJA NOVČANOG DEPOZITA KOD BANKE, AKO JE TO USLOV ZA ODOBRAVANJE KREDITA, KAO I MOGUĆNOST I USLOVI PREBIJANJA
FINANSIRANJA I DEPOZITA

Banka u zavisnosti od procjene kreditne sposobnosti, iznosa finansiranja kao i roka otplate može tražiti depozit kao instrument obezbjeđenja.

Datum preuzimanja standardnog informacionog lista: _____

Potpis tražioca finansiranja kojim potvrđuje prijem standardnog informacionog lista: _____

Potpis službenika Banke koji je uručio standardni informacioni list: _____